

Ina biala viseta en claustra da Mustér

■ **Las cussadentas ed ils cussadents da Puntreis Center da sanadad schazegian il contact cun ils paders dalla claustra da Mustér. Duront la fasa da baghegiar il niev center da sanadad Puntreis ha ina part dallas cussadentas e dils cussadents anflau dimora ella claustra da Mustér.** Aschia ha ei dau in bien e bi contact cun ils paders che cuoza e vegn tgiraus entochen il di dad oz. Aschia ein 40 cussadentas e cussadents selegrai d'ina viseta en claustra – la mesjamna, ils 22 d'uost. Il plascher anticipau ei staus gronds, pertgei igl emprem havein nus visitau la caplutta da Nossadunna. Avat *Vigeli* ha beneventau nus cordialmein e celebrau ina biala devo-

ziun en honor dalla Mmumma dalla misericordia. Las cussadentas ed ils cussadents han cantau ed han tedlau igl accumpignament entras frater *Franz* ch'ha sunau la cetra.

Silsuenter havein nus gudiu in fetg bien gentar cun caffè ed in gustus toc petta producida da frater *Gerhard*. Suenter in emperneivel star da cuminonza ed ina cuntentientscha interna essan nus semess encunter casa. Las cussadentas ed ils cussadents ein stai fetg engrazieivels. Nus engraziein alla claustra per quei bi di e per la fetg buna collaboraziun duront igl entir onn.

*Regina Caminada, activaziun
Cecile Schuoler, administraziun*